

(<https://news.usm.my>)

Berita Mutakhir

18
NOV

NC BINCANG POTENSI TAWAR KURSUS PERGIGIAN DI KAMPUS USM-KLE



KARNATAKA, INDIA, 18 November 2016 - Naib Canselor Universiti Sains Malaysia (USM) Profesor Datuk Dr. Asma Ismail kelmarin mengadakan pertemuan dengan Pengarah USM-KLE International Medical Programme, Dr. H.B. Rajasekhar dalam rangka lawatan rasmi pendidikannya ke India.

Dalam pertemuan tersebut, banyak perkara berkaitan dengan halatuju kampus USM-KLE dibincangkan serta juga perbincangan berkenaan dengan potensi untuk menawarkan kursus Pergigian di kampus persisir tersebut.

Selain itu, perbincangan berkenaan potensi bagaimana untuk mendapatkan jumlah pelajar yang lebih ramai untuk meneruskan pengajian di USM-KLE (sponsored student) turut diutarakan. Naib Canselor dalam pada masa yang sama turut menyampaikan amanatnya kepada pelajar-pelajar USM-KLE.

Turut hadir dan menyampaikan pembentangan berkaitan Program yang ditawarkan di USM-KLE ialah Profesor Dr. Kamarudin Jaalam.

Sejurus selepas pertemuan ini, Naib Canselor hadir untuk bertemu dengan pemimpin pelajar Majlis Perwakilan Pelajar (MPP) di kampus tersebut dan menyerahkan Wafatiah pelantikan sebagai MPP kepada Pelajar Tahun 2 USM-KLE, Muhamad Ridzuan Jamian.

Pelajar USM-KLE turut mengadakan persembahan dalam majlis ini.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015